

# Азблань

ВКП(б)-лэн УАССР-ысь  
Ярской Райномезлэн но  
РК-лэн органы.

Адрес: посёлок Яр, Уд. АССР  
Телефон № 43. дуняз 5 коп.  
10-тй арзэ потэ.

## ВАНЬДЫ ВЫСТАВКАЕ ШЕДЬЫНЫ ДАСЯСЬКЕ

Асьме районысь колхоз'ёс, быдэс Союзьсытмы колхоз'ёс семен ик, туэ эшшо но бадзьмесь азинскон'ёс басьтйзы. Туэ вань кизем площадь выльсь асьме районы гектарлы быдэ 13 центнерлэсь трос ю тысь басьтэмын, котькуд колхозын быдэн куинь ферма—МТФ, СТФ но ОТФ кылдытэмын.

Таце азинскон'ёсты басьтйзы асьме колхозник'ёс сельскохозяйственной артельлэн Сталинской Уставез'я ужамен, колхозлэсь общественной хозяйствозе нуналысь нуналэ юматныны тыршемэн.

Азпалан эшшо но бадзьмесь задачаос сыло. 7 декабре ортчем совещаниязы районысьтмы колхоз'ёсысь азымынсьёс, партийной, советской, земельной но комсомольской кивалтйсь ужасьёс, сельской хозяйство удасын ужась специалист'ёс социалистической обязательство басьтйзы. Со обязательствозе асьме районысь колхоз'ёс, колхозник'ёс но колхозницаос 1940 хозяйственной арзэ азинлыко йылпум'яса, 1941 арын тулыс кизёнез сивамаськымон ортчтонлы али ик дасяськоно луо. Таин чош ик туж паськыт вёлмытоно 1941 арын Все-союзной сельскохозяйственной выставкалы дасяськонэз.

Веранэз бвёл, выставкае шедён котькуд колхоз, котькуд колхозник понна туж бадзым шуд. И со шудэз басьтны котькинлы луоно, шбдтэк со, вы-

тавкаын участник луон выльсь али ик ке мылокыдо нюр'яськон жутйз. Азымынсь колхоз'ёслы но колхозницаослы Всесоюзной сельско-хозяйственной выставкалэн бс'ёсыз туж паськытэсь усьтэмын. Соин сэрэн выставкаын участвовать карны мылкыд сётйсь азымынсь колхозлы, азымынсь колхозниклы али ик, чик моготэк документ'ё: дасьтоно иви. Со документ'ёсын возматано колхозлэсь, колхозниклэсь кызы ужалэз, показательёсэ.

Кылсярысь, басьтомы Кагановичлэн нимызын ни-ман колхозэз. Та колхозлэн 1 бригадасытыз 1 звено, Трефилов Степан Степанович колхозниклэн кивалтэм улсаз, туэ арын гектарлы быдэ 20,6 центнер тыр урожай басьтйз. Таце звеноос асьме районысьтмы колхоз'ёсын трос иви. Ваньзы соос выставкае шедён понна кандидат луон выльсь заявлениос сётныны быгато. Трефилов С. С. кандидатэ гожтэмын иви.

Колхозник'ёс но колхозницаос, ойдолэ эшшо но паськыт вёлмытоме Все-союзной сельскохозяйственной выставкалы дасяськонэз. Одыг азымынсь колхоз но, одыг азымынсь колхозник но выставкалы дасяськонлэсь палэнэ медаз кылы. Вань колхозник'ёс но вань колхоз'ёс, быдэс район выставкаын участник мед луоз. Со лы понна жутоно нюр'яськонэз.

## КРАСНОЙ АРМИЫСЬ ГОЖТЭТ

### „Большевик“ но „Пятилетка“ колхоз'ёсысь колхозник'ёслы но колхозницаослы

1938 арын мон мынй даын участвовать кари. Красной Армия радэ. Нырысь арзэ Сахалин островысь Александровск городын НКВД-лэн погранвойскаяз краснофлотец луыса служить кари. Татын мон боевой но политической подготовка асьме отлично дышеткись возматй.

1939 арын, служить каронэлэн кыктэтй араз, мыным отделенной командирлэсь званиэ сётйзы но штабын ужаны пуктйзы. Армиын умой служить кареме понна 1940 арын монэ кбьяке дырлы гуртэ лэзьялызы. Отпуск бере мон боевой но политической подготовка эшшо но умой дышеткыны кутски. Али мыным младшой политруклэсь нимзэ сётйзы. Младшой политрук луыса ужаны чош мон физкультурной ужен интересоваться кариськисько. 1940 арын август толзэе Сахалинской 7-ой Областной спартакиа-

даын участвовать кари. Та спартакиадаын бызыллон'я мон быдэс Областьын 3 нырысь интыносты басьтй: 1000 метр, 1500 но 5000 метр бызыллон'ёс лэсьтон дыр'я. Областьын та нырысь интыносты басьтэме понна монэ 2 грамотаен наградить карызы.

Ми Сахалинысь краснофлотец'ёс но пограничник'ёс Великой Октябрьской Социалистической революциялэсь XXIII-тй годовщиназэ боевой но политической подготовкак отличной показателёсын пумитамы. Мон тйлад землякты Потемкин Егор Иванович Никольской сельсоветысь „Большевик“ но „Пятилетка“ колхозысь колхозник'ёсты но колхозницаосты 1940 арзэ азинлыко йылпум'яса 1941 аре колхозной улонын эшшо но выльсь вормон'ёс басьтныны отисько. **Е. Потемкин,** тйлад землякты краснофлотец.



Асьме дырлэн великой летчикез Советской Союзлэн Героез В. Чкалов, аслаз соратник'ёсыныз Советской Союзлэн Геройёсыныз Байдуков но Беляков эш'ёсын Москваысен Северной Америке пуксытэк лобзылйз. Самой со САМОЛЕТ али Америкаысь Владивостокской портэ ваемын.

## ВКП(б)-лэн Ярской райкомезлэн бюроезлэн заседаниезлэн постановлениез

Удмуртской АССР-ын Якшур-Бодьинской раонысь „Ударник“ колхозлэн молочно-товарной Фермаысьтыз ужасьёс колхозной пудолэсь продуктивностэсь жутоно выльсь Удмуртнысь пудо вордон ужын ужась вань колхозник'ёслы писмоен вазыськызы. Та писмо, ВКП(б)-лэн Ярской райкомезлэн секретарезлэсь Поздеев эшлэсь верамзэ кылскыса, ВКП(б)-лэн Ярской райкомезлэн бюроезлэн заседаниез пуктэ:

1. Я к ш у р-Бодьинской районысь „Ударник“ колхозысь молочно-товарной фермаын ужасьёслэсь ВКП(б)-лэн Удмуртской Обкомыноз одобрить карем писмоэс асьме районысь пудо вордон фермаос кустын социалистической соревнование вёлмытон ласянь туж умоен лид'яно.

2. ВКП(б) райкомлэн пропаганда но агитация отделэзлэсь заведующийзэ-Владыкин эшез, райсоветлэсь исполкомзэ—Ульянов эшез но райзоез косоно выль верам писмоэз колхозной собраниэсын но пудо вордон бордын ужасьёслэн производственной совещаниясыз обсуждэть карыны. Соин чош ик фермаос но пудо вордон бордын ужасьёс кустын пудолэсь продуктивностэсь жутоно понна социалистической соревнование вёлмытоно.

3. Пудолэсь продуктивностэсь жутоны юрттэт сётон понна вань колхоз председателёсты косоно важной фермаослы быдэ практической ужрадкутьны.

4. Первичной партийной организациос но кандидатской группаос конкретно колхозной общественной

пудолэсь продуктивностэсь жутоно понна практической юрттэт сётано луо вань животноводческой бригадаослы. Возглавить кароно но кивалтоно луо фермаос но пудо вордон бордын ужасьёс кустын вёлмытэм социалистической соревнованиеч.

Пудолэсь продуктивностэсь жутоно понна но пинал пудоез уялтон понна социалистической соревнованиез вёлмытон пумысь ВЛКСМ-лэн райкомезлы предложить кароно ВЛКСМ-лэн первичной организациосызлэн секретар'ёсызлы валэктон'ёс сётны. „Азблань“ газетлэсь редакторзэ Волков эшез об'язать кароно газетлы быдэ азымынсь животноводческой фермаослэсь ужан опыт'ёссэс возмат'яны. Яр, 4-XII-40 арын. РК ВКП(б).

## Пудо-животлэсь продуктивностэсь жутомы

Удмуртской АССР-ысь Якшур-Бодьинской районысь „Ударник“ колхозысь молочно-товарной фермаын ужасьёс общественной колхозной пудолэсь продуктивностэсь жутоно пумысен чошаткыса ужаны отьыса Удмуртской АССР-ысь ваньмызы молочно-товарной фермаосын ужась колхозник'ёслы писмоен вазыськызы.

Та писмоэз обсудить карыса ми, Дизьмино сельсоветысь „Диктатура пролетариата“ колхозысь молочно-товарной фермаын ужасьёс ас выламы таце обязательствоос басьтйськомы:

Милям колхозмылэн молочно-товарной фермаез скал'ёсты но пинал пудоез план'я окмымон укомплектовать карыз. Али дыре милям фермамы кысконо скал'ёсмы 96 йыр, 4 йыр породистой ошпиосмы, 110 йыр 1939 но 1940 ар'ёсы вордскем куян'ёсмы. Та дырозь МТФ-ысьтмы пудоосмы туж продук-

тивноесь ой вал. 1940 арын, шорлыдын вара, одыг кысконо скаллы 557 литр гинэ йёл кыскемын. 1941 арын ми скаллы быдэ йёл кысконез 1500 литрозь луттомы. Со лы понна таце кулэ уж'ёс лэсьтомы:

Скал сюдисьёслы но кыскасьёслы ваньзэ скал'ёсты нимысьтыз юмат'яломы.

Скал'ёсты сюдомы рацион'я, соослэсь продуктивностэс но живой вессэс лыдэ басьтыса. Пудо сионэз сюдомы азывыл дасяса (кораса, запаривать карыса но мукет).

Шуньт нунал'ёс дыр'я скал'ёсты прогулкае поттыломы. Гид'ёсты чылкыт, шуньт но югыт возьмы. Скал'ёсты нуналлы быдэ сюзьяллыломы.

Скал'ёсты нуналз куинь пол кысконез уже кутомы, а нырысьзэ кунням скал'ёсты нуналаз ньыль пол кыскаломы.

Туала вордскем куян'ёсты ваньзэ уялтомн. Добит'я карыськомы соослэсь суткалы быдэ

700 грамм будонэс. Таин чош вискарытэк ужаломи пудолэсь выжызе умоятон бордын.

Арнялы быдэ одыг зооветнаукалы дышетскыломы. Со лы понна райолэсь куриськомы, милеместы дышетон понна умой зоотехниксэ ыстылыны.

МТФ-ысь пудоез толбытлы окмымон пудо сионэн обеслечить карыны понна вис'яломы: туринь 631 центнер, валэс куро—1002 центнер, силос—3200 центнер, зег куро—2358 центнер, ю нянь—547 центнер.

Пудолэсь продуктивностэсь жутоно'я социалистической соревнование пырыса ас събрамы отьыськомы „Виль улон“ колхозысь молочно-товарной фермаын ужасьёсты.

Фермалэн заведующиез

**Ушанов Х. Я.**  
**Булданов Х. А.**

Колхозлэн председателз Со сяна дояркаос но скотницаос, ваньмыз 17 мурт гожтиськызы.

